

Dr. Mehmed Jahić, redovni profesor, predsjednik Komisije

Ekonomski fakultet Univerziteta u Sarajevu

Oblast: Računovodstvo i revizija

Dr. Meliha Bašić, redovni profesor, član Komisije

Ekonomski fakultet Univerziteta u Sarajevu

Oblast: Računovodstvo i revizija

Dr. Haris Jahić, vanredni profesor, član Komisije

Ekonomski fakultet Univerziteta u Sarajevu

Oblast: Računovodstvo i revizija

**VIJEĆU EKONOMSKOG FAKULTETA
UNIVERZITETA U SARAJEVU**

Na osnovu člana 106. i 135. Zakona o visokom obrazovanju („Službene novine Kantona Sarajevo“, broj: 33/17), članova 190. i 205. Statuta Univerziteta u Sarajevu, Odluke Senata Univerziteta u Sarajevu broj: 01-14-46/19 od 27. 05. 2019. godine, Odluke Vijeća Ekonomskog fakulteta Univerziteta u Sarajevu od 15. 05. 2019. godine i Rješenja Dekana broj 02-3665/2019 od 03. 07. 2019. godine imenovani smo za članove Komisije za pripremu prijedloga i izvještaja o izboru jednog nastavnika u zvanju vanredni profesor, puno radno vrijeme, na oblast „Računovodstvo i revizija“. Na predmetni konkurs, za zvanje vanrednog profesora, koji je objavljen 01. 06. 2019. godine u dnevnom listu „Oslobođenje“ i na web-stranici Ekonomskog fakulteta Univerziteta u Sarajevu prijavila se jedna kandidatkinja: dr. Ševala Isaković-Kaplan.

Prema Potvrdi Službe za pravne i personalne poslove broj 07-6-3314/19 od 19. 06. 2019. godine prijava sa priložima kandidatkinje dr. Ševale Isaković-Kaplan je blagovremena i potpuna (uredna) sa uslovima utvrđenim konkursom od 01. 06. 2019. godine.

Na osnovu pregleda prijave i priložene dokumentacije, ocjene naučno-istraživačkih radova, pedagoške i profesionalne aktivnosti prijavljene kandidatkinje, Komisija podnosi Vijeću Ekonomskog fakulteta Univerziteta u Sarajevu sljedeći

I Z V J E Š T A J

Na raspisani Konkurs za izbor nastavnika za zvanje vanredni profesor na oblast „Računovodstvo i revizija“ javila se jedna kandidatkinja: dr. Ševala Isaković-Kaplan.

Kandidatkinja je dostavila urednu dokumentaciju i priložila neophodne dokumente. Nakon pregleda dokumentacije i obavljenih neophodnih procedura u tekstu Izvještaja iznosimo najznačajnije informacije koje su poslužile kao osnova za prijedlog koji Komisija upućuje Vijeću Fakulteta.

1. BIOGRAFSKI PODACI

Isaković-Kaplan dr Ševala je rođena 26. aprila 1979.godine u Mostaru, gdje je završila osnovnu i Srednju ekonomsku školu. Fakultet za poslovni menadžment u Mostaru, smjer Finansijsko-računovodstveni, kandidatkinja je upisala akademske 1998/99. godine. U toku studija je pokazala izuzetne rezultate, zbog čega je već od sljedeće akademske godine bila angažovana kao demonstrator na predmetu Matematika, na istom fakultetu. Kandidatkinja je diplomirala 06. septembra 2002. godine, prva u svojoj generaciji, odbranivši diplomski rad na temu „Analiza pokazatelja zasnovana na odnosima pozicija bilansa stanja i bilansa uspjeha“. U toku studija kandidatkinja je ostvarila prosječnu ocjenu 9,9.

Kandidatkinja se tokom svog školovanja isticala po ostvarenom uspjehu za što je i dobila posebna priznanja/diplome: kao najbolji učenik Srednje ekonomske škole u Mostaru, generacija 1994/1998., te najbolji student Fakulteta za poslovni menadžment u Mostaru, generacija 1998/2002.godine.

Akademske 2004/2005. godine, kandidatkinja je upisala postdiplomski studij na Ekonomskom fakultetu u Sarajevu, smjer Računovodstvo i revizija. Položivši sve ispite na postdiplomskom studiju kandidatkinja je ostvarila prosječnu ocjenu 9,8. Magistarski rad na temu „Finansijski izvještaji poslovnih kombinacija u funkciji poslovnog odlučivanja“, uspješno je odbranila 13. februara 2010. godine i stekla naučni stepen Magistra ekonomskih nauka.

Doktorsku disertaciju na temu „Forenzično računovodstvo u funkciji sprječavanja i otkrivanja prevara u finansijskim izvještajima“, kandidatkinja je odbranila 26. oktobra 2013. godine, na Ekonomskom fakultetu Univerziteta u Sarajevu, i time stekla naučni stepen Doktora ekonomskih nauka.

U periodu 2003-2019., kandidatkinja je intenzivno radila na sticanju znanja i iskustava iz različitih disciplina iz oblasti računovodstva i revizije i s tim povodom odslušala je više seminara i kurseva, kao i više seminara iz područja metodologije naučno-istraživačkog rada. Kandidatkinja je uz prijavu na Konkurs, osim certifikata koji svjedoče o pohađanju različitih kurseva i seminara iz oblasti računovodstva i revizije, te metodologije naučno-istraživačkog rada, priložila i kopije certifikata o poznavanju engleskog jezika i kopiju certifikata o poznavanju rada na računarima.

Neposredno po sticanju zvanja diplomiranog ekonomiste, u septembru 2002.godine, kandidatkinja je bila angažovana kao profesor ekonomske grupe predmeta u Srednjoj ekonomskoj školi u Stocu, a od februara 2003.godine i kao asistent na oblasti „Računovodstvo“ na Fakultetu za poslovni menadžment u Mostaru. Navedene poslove kandidatkinja je obavljala do septembra 2004.godine.

Od septembra 2004. godine pa do danas, kandidatkinja je zaposlena na Ekonomskom fakultetu Univerziteta u Sarajevu na poslovima asistenta, višeg asistenta, te docenta na oblasti „Računovodstvo i revizija“. U zvanju asistenta i višeg asistenta kandidatkinja je izvodila vježbe iz sljedećih predmeta: Finansijsko računovodstvo, Računovodstvo trgovačkih organizacija, Računovodstvo finansijskih institucija, Troškovno računovodstvo i Finansijsko izvještavanje.

U zvanju docenta na Ekonomskom fakultetu Univerziteta u Sarajevu u periodu od 2013 - 2019. godine imenovana je izvodila nastavu na sva tri ciklusa studija iz sljedećih predmeta:

I ciklus studija: Accounting, Financial Accounting, Finansijsko računovodstvo, Forenzično računovodstvo, Projekat računovodstvo i revizija, Računovodstvo trgovačkih organizacija, Financial Reporting.

II ciklus studija: Profesionalna etika računovođa i revizora, Revizija finansijskih izvještaja i Međunarodni revizijski standardi, Forenzično računovodstvo i istrage, Napredno finansijsko izvještavanje.

III ciklus studija: Forenzično računovodstvo: Sveobuhvatni pristup u borbi protiv prevara u finansijskim izvještajima.

Kao što je prethodnog pregleda vidljivo, kandidatkinja dr Ševala Isaković-Kaplan osim izvođenja nastave na maternjem bosanskom jeziku, kontinuirano izvodi nastavu i na engleskom jeziku na I ciklusu studija Ekonomskog fakulteta Univerziteta u Sarajevu. U akademskoj 2017/2018.godini, kandidatkinja je za potrebe praktične edukacije studenata smjera Računovodstvo i revizija na Ekonomskom fakultetu Univerziteta u Sarajevu, uspješno realizirala Projekat instalacije poslovno-informacionog sistema Pantheon X. Na ovaj način, studenti III godine studija smjera Računovodstvo i revizija su imali priliku odslušati 30 sati nastave iz područja praktične primjene posljednje generacije programa Pantheon na tržištu, samostalno knjižiti poslovne događaje u istom, pripremiti finansijske izvještaje kao krajnji produkt računovodstveno-informacionog sistema, kao i javno prezentirati rezultate svog rada na poslovnom softveru Pantheon X.

Od školske 2016/2017.godine kandidatkinja je angažovana u nastavnom procesu na Ekonomskom fakultetu Univerziteta u Zenici i izvodi nastavu iz predmeta Troškovno računovodstvo i Međunarodno računovodstvo na I ciklusu studija, te predmeta Finansijsko računovodstvo, prezentacija i izvještavanje na Master studiju.

Kandidatkinja posjeduje profesionalna zvanja iz računovodstvene profesije: certificirani računovođa i ovlašteni revizor. Uz to kandidatkinja je kontinuirano angažovana na izvođenju nastave u programima za sticanje zvanja certificirani računovođa i ovlašteni revizor u organizaciji Poslovne akademije Ekonomskog fakulteta u Sarajevu, Feb-a i Revicon-a, od 2006. godine. Također, izvodila je vježbe u okviru projekta „Škola za interne revizore“, organizovanoj od strane Udruženja internih revizora u BiH i Poslovne akademije Ekonomskog fakulteta u Sarajevu.

Imenovana je angažovana i na polju izvođenja kontinuirane profesionalne edukacije za profesionalna računovodstvena zvanja, te je održala nekoliko radionica/interaktivnih seminara sa temama iz područja forenzičnog računovodstva sa ciljem podizanja svijesti računovođa i revizora o važnosti prevencije od prevara kao i prezentacije načina i tehnika detekcije prevara u finansijskim izvještajima.

Uz redovna nastavna zaduženja, kandidatkinja je u periodu od 2004-2015.godina uspješno obavljala i poslove sekretara Katedre za računovodstvo i reviziju, a trenutno obavlja dužnost zamjenika šefa Katedre za računovodstvo i reviziju.

2. NAUČNO-ISTRAŽIVAČKI RAD

Kandidatkinja Isaković-Kaplan dr Ševala aktivno se bavi i teorijskim istraživanjima što ilustrujemo autorskim/koautorskim doprinosom u izradi ukupno pet univerzitetskih udžbenika i 28 naučnih i stručnih radova, čiji spisak slijedi:

2.1. UNIVERZITETSKI UDŽBENICI I PUBLIKACIJE

2.1.1. Udžbenici nakon izbora u zvanje docenta:¹

1. **Isaković-Kaplan, Ševala: Forenzično računovodstvo. Fojnica: Štamparija Fojnica, 2016. 319 str. ISBN: 978-9958-17-086-7; autor.**

Univerzitetski udžbenik „Forenzično računovodstvo“ je namijenjen za potrebe izučavanja forenzičnog računovodstva na visokoškolskim ustanovama ekonomskog smjera, edukacije kandidata za potrebe sticanja zvanja iz računovodstvene profesije, kontinuirane profesionalne edukacije računovođa i revizora, ali i svih drugih lica zainteresovanih za bolje razumijevanje tema iz područja forenzičnog računovodstva. Univerzitetski udžbenik „Forenzično računovodstvo“ sa teoretskog aspekta, predstavlja doprinos razvoju teorijskog konceptualnog okvira forenzičnog računovodstva u Bosni i Hercegovini uz uspostavljanje jasne granice između revizije finansijskih izvještaja i istrage forenzičnog računovodstva, dok se sa praktičnog aspekta, ogleda u mogućnosti korištenja istog u programima certifikacije forenzičnih računovođa u BiH, zvanja koje je relativno novo u računovodstvenoj profesiji, a čije uvođenje se tek očekuje na području FBiH. Predmetni udžbenik tretira izuzetno akteulenu tematiku koja je na prostorima BiH nedovoljno istražena i opisana, te isti predstavlja prvi udžbenik iz područja forenzičnog računovodstva napisan od strane bh. autora.

2.1.2. Udžbenici prije izbora u zvanje docenta

2. Jahić, Mehmed, Bašić Meliha, Isaković-Kaplan Ševala i Arijana Arnautović: Financial accounting: handbook. Ekonomski fakultet u Sarajevu, 2012.god. ISBN: 978-9958-25-079-8; koautor
3. Jahić, Haris, Isaković-Kaplan Ševala, Škapurević Harun, Salihagić Admira: Računovodstveni informacioni sistem Pantheon: primjeri računovodstvenog obuhvatanja poslovnih događaja, Ekonomski fakultet u Sarajevu, 2012.god. ISBN: 978-9958-25-080-4; koautor
4. Jahić, Mehmed, Jahić Haris i Isaković-Kaplan Ševala: Finansijsko računovodstvo. III izmijenjeno i dopunjeno izdanje, Sarajevo: Udruženje revizora FBiH, 2012.god. ISBN: 978-9958-9058-0-3; koautor
5. Bašić, Meliha, Popić Ibro, Isaković-Kaplan Ševala, Resić, Emina: Troškovno računovodstvo – praktikum. Ekonomski fakultet u Sarajevu, 2005.god. ISBN: 9958-605-74-0; koautor

¹ Reference relevantne za vrednovanje prilikom izbora u zvanje prema članovima 96. i 102. Zakona o visokom obrazovanju („Službene novine Kantona Sarajevo“, br. 33/17) su „boldirane“ i kratko opisane (predstavljene) u predmetnom izvještaju.

2.2. NAUČNI RADOVI U PUBLIKACIJAMA KOJE PRATE RELEVANTNE MEĐUNARODNE BAZE PODATAKA

2.2.1. Radovi nakon izbora u zvanje docenta:

1. **Isaković-Kaplan, Ševala i Demirović Lejla: Izazovi u primjeni Konceptualnog okvira za finansijsko izvještavanje u BiH. U: Pravni i ekonomski aspekti procesa integracije Bosne i Hercegovine u Evropsku uniju: Međunarodna naučna konferencija: Zbornik radova, 20-21.juni 2019. Mostar. (EBSCO Publishing – Business Source Complete) - koautor, rad prihvaćen za objavu**

U posljednjem desetljeću Okvir za izradu i prezentaciju finansijskih izvještaja/Konceptualni okvir za finansijsko izvještavanje bio je predmet brojnih izmjena i dopuna, a tekst iz 2018.g. postaje obavezujući za finansijsko izvještavanje društava od 2020.g., uz dopuštenu i raniju primjenu na međunarodnom nivou. Kojom dinamikom Bosna i Hercegovina (BiH) harmonizira relevantni računovodstveni okvir sa računovodstvenom regulativom Evropske Unije i koji izazovi na tom putu očekuju privredne subjekte u BiH predstavlja primarni predmet istraživanja ovog rada. Nažalost, rezultati istraživanja pokazuju neefikasno i neefektivno ažuriranje Okvira za finansijsko izvještavanje u BiH, što se negativno odražava na kredibilitet finansijskih izvještaja bosanskohercegovačkih kompanija.

2. **Demirović Lejla, Jahić Haris i Isaković-Kaplan Ševala: Računovodstveni aspekt primjene MSFI 9 u bankarskom sektoru BiH. U: Zbornik radova Univerziteta „Džemal Bijedić“ u Mostaru, Ekonomski fakultet, godina 16, Broj 26, Mostar, juli-decembar 2018., str. 50-65, ISSN 0352-258X (EBSCO Publishing – Business Source Complete) – koautor, rad prihvaćen za objavu**

Za potrebe detaljnijeg predstavljanja kompleksnosti i specifičnosti primjene relevantnog zakonodavnog okvira kod mjerenja kreditnog gubitka u bankarskom sistemu Bosne i Hercegovine (BiH), u predmetnom radu autori prezentiraju specifičnosti procjene kreditnog gubitka prema važećem Međunarodnom standardu finansijskog izvještavanja 9 – Finansijski instrumenti (MSFI 9) i izmjenjenoj podzakonskoj i zakonskoj regulativi: Odluci o minimalnim standardima za upravljanje kreditnim rizikom i klasifikaciju aktive (Odluka), Međunarodnom računovodstvenom standardu 39 – Finansijski instrumenti: priznavanje i mjerenje (MRS 39) i Međunarodnom računovodstvenom standardu 37 - Rezervisanja, potencijalne obaveze i potencijalna imovina (MRS 37) u periodu 2010.-2018.g., te ukazuju na zahtjeve, prednosti i nedostatke primjenjivanih zakonskih i podzakonskih propisa.

3. **Kaplan, Alem i Isaković-Kaplan Ševala. Performance Auditing of the National Strategy and Plans of Protection and Rescue Management in BiH. SAR Journal Science and Research. Volume 1, Issue 4, p. 140-147, ISSN 2619-9955, DOI: 10.18421/SAR14-04, December 2018. (DOAJ, EBSCO, IndexCopernicus, GoogleScholar, MIAR, ResearchBib, Central and Eastern European Online Library) – koautor**

Svaka zemlja treba da ima nacionalnu strategiju za smanje rizika od katastrofa kroz razvojne politike i planove na različitim administrativnim nivoima. U ovom članku istraživači su koristili Međunarodni standard vrhovnih revizorskih institucija (ISSAI) 5510 – Revizija smanjenja rizika od katastrofa u kombinaciji sa statističkim neparametarskim testovima i ukazali na važnost provođenja revizije učinka s ciljem procjene adekvatne

inkorporiranosti/harmonizacije nacionalne strategije i planova za reagovanje unutar sistema zaštite i spašavanja u BiH.

- Kaplan, Alem, Dautović Kenan, Isaković-Kaplan Ševala i Čelebić Nedim. Investigating of the hazards and risks' knowledge in BiH. Technics Technologies Education Management. Journal of Society for Development of Teaching Business Processes in New Net Environment in BiH. Vol.13, No.2. 2018. p. 68-76. ISSN 1840-1503 (WorldCat, Academic Resource Index, Essci, ScienceDirect, ResearchGate, SJR, ISI) – koautor**

Opasnosti i katastrofe su bez sumnje praćene negativnim uticajem i produktima. Da bi smanjili njihov uticaj, zemlje i društva prvo trebaju identifikovati očekivane opasnosti/rizike kroz procjene rizika. Ako zemlje nemaju jasnu sliku o rizicima sa kojima se mogu suočiti nije moguće prepoznati, spriječiti ili ublažiti potencijalne katastrofe unaprijed. Za potrebe adekvatne procjene znanja o opasnostima/rizicima u sistemu zaštite i spašavanja u BiH autori rada preporučuju upotrebu Međunarodnih standarda vrhovnih revizorskih institucija, eksplicitno Međunarodnog standarda vrhovnih revizorskih institucija (ISSAI) 5510 – Revizija smanjenja rizika od katastrofa.

- Kaplan, Alem, Dautović Kenan i Isaković-Kaplan Ševala: Performance Auditing of the Coordination of Pre-disaster Management in BiH. Technics, Technologies, Education, Management. Journal of Society for Development of Teaching and Business Processes in New Net Environment in B&H. Vol. 12, No. 4, 2017. p. 260-269. ISSN 1840-1503 (WorldCat, Academic Resource Index, Essci, ScienceDirect, ResearchGate, SJR, ISI) – koautor.**

U ovom članku istraživači su prezentirali mogućnosti provođenja revizije učinka za potrebe procjene i ocjene koordinacije upravljanja u situacijama prije javljanja katastrofa koristeći Međunarodni standard vrhovnih revizorskih institucija (ISSAI) 5510 – Revizija smanjenja rizika od katastrofa u kombinaciji sa statističkim neparametarskim testovima (Kruskal-Wallis H, Mann-Whitney U Tests, Ordered logit regression and Spearman R correlation)

- Isaković-Kaplan, Ševala: Uloga i značaj računovodstvene profesije u prevenciji korupcije u BiH. U: Zbornik radova Univerziteta „Džemal Bijedić“ u Mostaru, Ekonomski fakultet, godina 15, Broj 24, Mostar, juni 2017., str. 130-145, ISSN 0352-258X (EBSCO Publishing – Business Source Complete) – autor**

Nema osobe, društva, države imune na korupciju, a Bosna i Hercegovina (BiH) je primjer zemlje u kojoj je korupcija duboko usađena u sve pore društva. Svjesno negativnih posljedica korupcije po BH društvo, Vijeće ministara BiH u Reformskoj agendi za BiH za period 2015-2018.godina, a koju su usvojili svi nivoi vlasti u BiH, prepoznaje i među šest ključnih oblasti ističe potrebu osnaživanja vladavine prava u BiH uz osiguranje svim građanima sigurnijeg okruženja bez korupcije. Borba protiv ozbiljnog kriminala, terorizma i korupcije zadaća je propisana Reformskom agendom vlastima svih nivoa upravljanja u BiH. Kakvu ulogu i značaj u ispunjenju navedene zadaće mogu imati zvanja računovodstvene profesije, s posebnim akcentom na predstavljanje karakteristika i mogućnosti profesionalnog zvanja forenzičnog računovođe, kao novog zvanja računovodstvene profesije, u borbi protiv korupcije u BH društvu, primarni je cilj istraživanja autora predmetnog rada.

7. **Isaković-Kaplan, Ševala i Delalić Adela: Kreativno računovodstvo u privrednim društvima u BiH. U: FBIM Transactions, (Beograd) 2015; 3(2), str. 33-45. ISSN 2334-718X, ISSN 2334-704X (Online) DOI: 10.12709/issn.2334-704X (EleCas) – koautor**

S ciljem sagledavanja problematike izloženosti društava u Bosni i Hercegovini (BiH) riziku od računovodstvenih prevara, autori su proveli empirijsko istraživanje sa namjerom sagledavanja u kojoj mjeri menadžeri privrednih društava u BiH primenjuju tehnike kreativnog računovodstva radi uticaja na finansijske pozicije iskazane u finansijskim izveštajima privrednih društava. U radu su komparirane najčešće računovodstvene smicalice koje je, američki autor Howard M. Schilit zabilježio u finansijskim izvještajima američkih društava, sa najčešće korištenim tehnikama kreativnog računovodstva u bosanskohercegovačkim preduzećima prema provedenom istraživanju autora.

2.2.2. Radovi prije izbora u zvanje docenta:

8. Jahić, Mehmed i Isaković-Kaplan Ševala: Uloga i značaj revizije u prevenciji prevara u BiH. U: Pravni i ekonomski aspekti procesa integracije Bosne i Hercegovine u Evropsku uniju: Međunarodna naučna konferencija: Zbornik radova, 7-8.novembar 2013. Mostar. str. 204-218. ISBN 978-9958-604-78-2 (EBSCO Publishing – Business Source Complete) - koautor
9. Isaković-Kaplan, Ševala: Consolidated Financial Statements – Means And Purpose Of Preparation: Reasons Of Not Announcing Of Consolidated Financial Statements In Bosnia And Herzegovina. Ekonomska istraživanja. 12/2010 Vol.23 No.4, p. 162-171. ISSN: 1331-677X (Social Science Citation Index, Social SciSearch, Journal Citation Reports/Social Science Edition (Web of Science) Thomson Reuters (USA), Cab Abstracts (Wallingford, Uk), EBSCO Publishing Database, Scopus, Geobase (Elsevier, Amsterdam, Netherlands), Cabell's Directory of Publishing Opportunities In Economics & Finance, EconLit (American Economic Association), Abi/Inform Proquest, Index Copernicus International) – autor
10. Bašić, Meliha, Veleđar Benina i Isaković-Kaplan Ševala: Problemi primjene MRS i MSFI u BiH - sa posebnim akcentom na uticaj računovodstvenih politika na kvalitet finansijskog izvještavanja. U: Transitional Challenges of EU Integration and Globalization: conference proceedings: International Conference of the Faculty of Economics Sarajevo ICES 2008. ISBN-978-9958-25-015-6; koautor

2.3.NAUČNI RADOVI U ZBORNICIMA KOJE PRATE RELEVANTNE BAZE PODATAKA (KONGRESI, SIMPOZIJI, SAVJETOVANJA)

2.3.1. Radovi nakon izbora u zvanje docenta:

1. **Isaković-Kaplan, Ševala: Ured za reviziju institucija u Federaciji Bosne i Hercegovine kao čuvar proračunskih sredstava: mit ili zbilja. U: Računovodstvo i menadžment – RiM: 17. Međunarodna znanstvena i stručna konferencija: Zbornik radova s međunarodne znanstvene i stručne konferencije Svezak I.- znanstveni radovi, 9-10.juni 2016. Primošten. Hrvatski računovođa. str. 69-79. ISBN 978-953-7828-12-7; autor**

Ured za reviziju institucija u Federaciji Bosne i Hercegovine nadležan je za provođenje revizije budžetskih institucija u FBiH, sa namjerom izražavanja nezavisnih revizorskih mišljenja o izvršenju budžeta i usklađenosti finansijskih izvještaja budžetskih institucija u FBiH sa relevantnim zakonodavnim okvirom, te u konačnici s ciljem osiguranja kvalitetnijeg upravljanja u institucijama koje se finansiraju iz budžeta FBiH. S obzirom na ulogu koju Ured za reviziju institucija u FBiH, kao vrhovna revizorska institucija ima u društvu, javnost, isti percipira kao “čuvara budžetskih sredstava”. Koliko su očekivanja javnosti ispunjena, odnosno, koliko je Ured za reviziju institucija u FBiH uspješan na polju “čuvanja budžetskih sredstava”, predstavljalo je primarno istraživačko pitanje za autora predmetnog ovog rada, a komparativna analiza izvještaja o obavljenim finansijskim revizijama Ureda za reviziju institucija u FBiH poslužio je kao osnova za pružanje odgovora na navedeno istraživačko pitanje.

- 2. Isaković-Kaplan, Ševala: Gospodarski kriminal u Federaciji Bosne i Hercegovine. U: Računovodstvo i menadžment – RiM: 16. Međunarodna znanstvena i stručna konferencija: Zbornik radova s međunarodne znanstvene i stručne konferencije Svezak I.- znanstveni radovi, 11-12.juni 2015. Primošten. Hrvatski računovođa. str. 69-79. ISBN 978-953-7828-09-7; autor**

Prema rezultatima istraživanja Association of Certified Fraud Examiners (ACFE, bos. Udruženje certificiranih istraživača prevara) preduzeća širom svijeta godišnje gube prosječno 5% svojih prihoda zbog prevare. Pregled globalnog ekonomskog kriminala 2014., koji objavljuje Pricewaterhouse Coopers (PWC), kao najveće međunarodno istraživanje privrednog kriminala, također ukazuje da prevare ostaju veliki neriješeni problem sa kojim se suočavaju sva preduzeća u svijetu. U duhu navedenih prijetnji, autor kroz predmetni rad sagledava izloženost društava u Federaciji Bosne i Hercegovine (FBiH) riziku od privrednog kriminala na bazi podataka iz Izvještaja o radu Finansijske policije FBiH i Tužilaštava FBiH. Krajnji cilj rada je sagledavanje mogućnosti nadzornih državnih tijela u procesu otkrivanja računovodstvenih prevara uz apostrofiranje važnosti uvođenja izučavanja discipline forenzičnog računovodstva na visokoškolskim obrazovnim institucijama kao i nužnosti osiguranja uslova za sticanje zvanja forenzičnog računovođe unutar lepeze zvanja iz računovodstveno-revizorske profesije u FBiH.

- 3. Isaković-Kaplan, Ševala: Motivi i posljedice upotrebe kreativnog računovodstva u privrednim društvima u BiH. U: Računovodstvo i menadžment – RiM: 15. Međunarodna znanstvena i stručna konferencija: Zbornik radova s međunarodne znanstvene i stručne konferencije Svezak I.- znanstveni radovi, 5-7.juni 2014. Rovinj. Hrvatski računovođa. str. 89-99. ISBN 978-953-7828-08-0; autor**

Različite želje i zahtjeve menadžeri privrednih društava mogu ostvariti legalnim putovima, prije ili poslije, brže ili sporije. S druge strane, do ispunjenja želja i zahtjeva menadžeri mogu doći i ilegalnim putovima - različitim obmanama korisnika finansijskih izvještaja. U lošem ekonomskom okruženju rizik od prevara u privrednim društvima dodatno raste, budući da, menadžeri pod pritiskom da svoj rad prikažu što je moguće boljim, mogu posegnuti za nedozvoljenim sredstvima i u konačnici za friziranjem finansijskih izvještaja. Kroz predmetni rad autor želi da sagleda: u kojoj mjeri i sa kojim ciljem menadžeri privrednih društva u BiH se koriste tehnikama kreativnog računovodstva, kakve su posljedice vješte upotrebe tehnika kreativnog računovodstva kao alata za friziranje finansijskih izvještaja društava, te kakve su mogućnosti revizora, nadzornih državnih

organa i forenzičnih računovođa u procesu sprječavanja i otkrivanja primjene nedozvoljenih tehnika kreativnog računovodstva u finansijskim izvještajima privrednih društava.

- 4. Isaković-Kaplan, Ševala: Računovodstvena profesija i etika u funkciji reformisanja bh.privrede. U: HOPE: 20. Međunarodni simpozij: Zbornik radova s međunarodnog simpozija, 12-14.juni 2019. Neum. Revicon. str. 279-292. ISSN 2232-8734; autor**

U situaciji kada računovodstveni informacioni sistem fer i transparentno izvještava o nastalim poslovnim događajima u društvu, računovodstvena profesija doprinosi efkasnijoj i efektivnoj alokaciji i upotrebi oskudnih resursa ekonomske zajednice, podižući nivo ekonomskog blagostanja u istoj. S druge strane, odsustvo pravilne i potpune primjene zahtjeva relevantnog zakonodavnog okvira ne rezultira vjerodostojnom prezentacijom finansijskih performansi društva, zbog čega osnovna premisa za potrebe kvalitetnog poslovnog odlučivanja u društvu nije ispunjena, a doprinos računovodstvene profesije daljem razvoju privrednog subjekta ali i ekonomske zajednice je izostao. Privredu Bosne i Hercegovine, nažalost, već duže vrijeme, karakterišu: loši finansijski i poslovni rezultati privrednih subjekata, velika nezaposlenost i nezadovoljstvo svih kategorija stanovništva, odlazak mnogih pojedinaca ali i cijelih porodica iz zemlje u nastojanju da negdje drugo pronađu bolji poslovni ambijent za rad i život. Da li i kako računovodstvena profesija i etika mogu pomoći u vraćanju izgubljenog povjerenja u poslovne mogućnosti privrednih društava i doprinijeti reformi bh. privrede osnovni je problem istraživanja predmetnog rada.

- 5. Isaković-Kaplan, Ševala: Kreativno računovodstvo kod subjekata u BiH: posebno rizična područja. U: RACE: 19. Međunarodni simpozij: Zbornik radova s međunarodnog simpozija, 10-12.maj 2018. Neum. Revicon. str. 289-300. ISSN 2232-8734; autor**

U uslovima kada "dobar" ili „zadovoljavajući“ finansijski rezultat preduzeća ne mogu zaraditi na tržištu, oni to beskrupulozno ostvaruju u "internoj režiji računovodstvene službe". Brojne krivične prijave, optužnice i sudski procesi zbog zloupotrebe sredstava društva, službenog položaja i povjerene moći, podnesene, podignute i vođene protiv različitih lica iz svijeta ekonomije i politike, pokazuju i svjedoče o praksi općeg nesavjesnog poslovanja menadžera u bh. društvima, koje se nastoji prikriti različitim tehnikama friziranja rezultata poslovanja društva. Upravo, problematika primjene tehnika kreativnog računovodstva kod privrednih subjekata u Bosni i Hercegovini sa namjerom prikazivanja finansijskog poslovanja i položaja društva u svjetlu interesa menadžmenta, uz usmjeravanje pažnje čitalaca na posebno rizična područja finansijskog izvještavanja društava, osnovni su predmet istraživanja ovog rada.

- 6. Isaković-Kaplan, Ševala: Primjena koncepta trougla, skale i dijamanta prevare u internoj reviziji. U: Zbornik radova Interni revizor 2018, Akademsko-strukovno udruženje internih revizora u BiH. Godina I., Br. 1., Sarajevo, 2018. str. 114-135. ISSN 2566-4379; autor**

Sva privredna društva u svijetu, bez obzira na historijat, lokaciju, djelatnost ili performanse poslovanja izložena su prevarama različitih vrsta: od zloupotrebe sredstava, preko pripreme lažnih finansijskih izvještaja društva do različitih koruptivnih aktivnosti počinjenih od strane zaposlenika. Svjetska praksa pokazuje da adekvatna borba protiv prevara počinje razmatranjem faktora koji motivišu počinioce prevara na činjenje istih. U tom smislu koncepti trougla prevare, skale prevare i dijamanta prevare su nezaobilazna metodologija

za analizu faktora rizika od pojave prevara u društvima. Kroz predmetni rad autor sagledava mogućnosti primjene navedenih teorijskih koncepata od strane internih revizora sa namjerom minimiziranja rizika od pojave prevara u privrednim društvima koja imaju uspostavljenu i razvijenu funkciju interne revizije.

- 7. Isaković-Kaplan, Ševala: Motivi menadžera u Bosni i Hercegovini za sačinjavanjem lažnih finansijskih izvještaja. Forenzična revizija. Zbornik radova. Beograd:2016. str. 87-91. ISBN 2015 - 978-56-86745-56-9; autor**

Uprkos naporima brojnih organizacija prevare u domenu finansijskog izvještavanja i dalje značajno opterećuju svjetsku privredu. Borbu protiv prevara dodatno otežava činjenica da počinioce prevara nije lako razlikovati u odnosu na poštena lica kao ni unaprijed znati kada će neka poštena osoba postati nepoštena. Za potrebe efikasnije borbe protiv prevara nužno je razumjeti zašto neko vara. Kroz predmetni rad autor sagledava motive menadžera preduzeća u BiH za sačinjavanjem lažnih finansijskih izvještaja, kao i mogućnosti nadzornih organa u prevenciji i detekciji ove vrste prevara u BiH.

- 8. Isaković-Kaplan, Ševala: Forenzično računovodstvo i revizija u BiH: Potreba i/ili...?. U: Agenda reformska Za Aplikaciju za prijem u članstvo EU: 17. Međunarodni simpozij: Zbornik radova s međunarodnog simpozija, 26-28.maj 2016. Neum. Revicon. str. 331-342. ISSN 2232-8734; autor**

Forenzično računovodstvo i revizija predstavljaju naučne discipline koje pripadaju istom naučnom području - oblasti računovodstva i revizije, te su stoga sličnosti između njih neminovne, ali su i određene razlike evidentne. Za forenzičnog računovođu i revizora, kao neposredne izvršioce zadataka iz domena forenzičnog računovodstva i revizije, možemo reći da ih odlikuju slični ciljevi i da raspolažu sličnim općim znanjima, ali se njihove uloge koje imaju, te specifična znanja kojim raspolažu i vještine koje ih određuju, bitno razlikuju. Stoga navedene naučne discipline i profesionalna zvanja iz domena računovodstva i revizije nisu alternative, već obje nauke i oba zvanja imaju puno opravdanje svog postojanja i djelovanja. Kroz predmetni rad autor prezentira sličnosti i razlike između navedenih srodnih disciplina iz područja računovodstva i revizije.

- 9. Isaković-Kaplan, Ševala: Mogući doprinos računovođe i ovlaštenog forenzičara borbi protiv korupcije. U: Stanje i perspektive za BiH: 16. Međunarodni simpozij: Zbornik radova s međunarodnog simpozija, 28-30.maj 2015. Neum. Revicon. str. 275-292. ISSN 2232-8734; autor**

Prema rezultatima istraživanja Association of Certified Fraud Examiners (ACFE, bos. Udruženje certificiranih istražilaca prevare), korupcija uz lažno finansijsko izvještavanje i zloupotrebu sredstava predstavlja jedan od tri najozbiljnija problema koji opterećuju privredna društva i privrede, općenito, širom svijeta. Bosna i Hercegovina je primjer zemlje posebno izložene riziku od koruptivnih radnji. U predmetnom radu autor sagledava izloženost društava u Federaciji Bosne i Hercegovine (FBiH) riziku od korupcije na temelju podataka iz Izvještaja o radu Tužilaštava FBiH, uz sagledavanje mogućeg doprinosa računovođe, kao najčešće zastupljenog zvanja u okviru računovodstveno-revizorske profesije i ovlaštenog forenzičara, kao novog računovodstveno-revizorskog zvanja, u borbi protiv korupcije u BH društvu.

- 10. Bašić, Meliha i Isaković-Kaplan, Ševala: Posljedice neažuriranja Međunarodnih računovodstvenih standarda i Međunarodnih standarda finansijskog izvještavanja u FBiH. U: U susret promjenama: 17. Međunarodni simpozij: Zbornik radova s međunarodnog simpozija, 18-20.septembar 2014. Neum. FEB. str. 383-408. ISBN 978-9958-9058-3-4; koautor**

U skladu sa Zakonom o računovodstvu i reviziji BiH i Zakonom o računovodstvu i reviziji F BiH, postoji zakonska obaveza kontinuiranog, usaglašavanja Međunarodnih računovodstvenih standarda (MRS) i Međunarodnih standarda finansijskog izvještavanja (MSFI) u BiH, koja je u F BiH u nadležnosti Saveza računovođa, revizora i finansijskih radnika F BiH. Međutim, kako navedeni zakoni, ne daju praktičano rješenje datog usaglašavanja, u praksi ažuriranje MRS-ova i MSFI-ova, obično kasni godinama. Uz to dato ažuriranje nije identičnog kontinuiteta u Republici Srpskoj (RS) i F BiH. Na navedene probleme ukazuju autori predmetnog rada, ističući da su negativne posljedice navedene situacije brojne, a sve u konačnici doprinose nerazumijevanju finansijskih izvještaja na međunarodnom planu, čime se gubi i osnovna zadaća primjene MRS-ova i MSFI-ova u privrednim društvima u BiH.

- 11. Isaković-Kaplan, Ševala: Ovlašteni forenzičar – novo zvanje u profesiji. U: Prioriteti za BiH: 15. Međunarodni simpozij: Zbornik radova s međunarodnog simpozija, 29-31.maj 2014. Neum. Revicon. str. 155-170. ISSN 2232-8734; autor**

Lažno finansijsko izvještavanje i zloupotreba sredstava predstavljaju ozbiljne probleme koji opterećuju i ugrožavaju poslovanje privrednih društava širom svijeta. Naručioци revizije i korisnici revizijskih usluga od revizora očekuju razotkrivanje slučajeva prevara u društvima čije finansijske izvještaje revidiraju. Nažalost, neispunjena očekivanja od revizora narušavaju povjerenje javnosti u računovodstvenu i revizijsku profesiju. Kroz predmetni rad autor nastoji dati odgovor na pitanje koje zanima prvenstveno investitore, ali i cjelokupnu javnost: da li računovodstvena teorija i praksa ima odgovor na računovodstvene prevare kao gorući problem kako pojedinačnih privrednih društava tako i cjelokupne svjetske ekonomije.

2.3.2. Radovi prije izbora u zvanje docenta:

12. Isaković-Kaplan, Ševala, Jahić Haris. Forenzični računovođa – Novo zvanje računovodstvene profesije – Mogućnost sticanja u BiH. 14. Međunarodna znanstvena i stručna konferencija: Računovodstvo i menadžment – RiM: Zbornik radova s međunarodne znanstvene i stručne konferencije Svezak I.- znanstveni radovi, 13-14.juni 2013. Zagreb — ISBN 978-953-7828-04-2; koautor
13. Jahić, Haris i Isaković-Kaplan, Ševala: Privredni kriminal u BiH – uloga računovođe. 13. Međunarodna znanstvena i stručna konferencija: Računovodstvo i menadžment – RiM: Zbornik radova s međunarodne znanstvene i stručne konferencije Svezak I.- znanstveni radovi, 14-16.juni 2012. Zagreb:, ISBN 978-953-7828-01-1; koautor

2.4.STRUČNI RADOVI U PUBLIKACIJAMA

2.4.1. Radovi nakon izbora u zvanje docenta:

- 1. Isaković-Kaplan, Ševala: Kreativno računovodstvo kod subjekata u BiH - posebno rizična područja. U: Porezni savjetnik. Časopis za pravnu i ekonomsku teoriju i praksu. Br. 7-8 2018. Sarajevo. Revicon. str. 74-83. ISSN 1512-519X; autor**
- 2. Isaković-Kaplan, Ševala: Pojam i djelokrug forenzičnog računovodstva. U: Pravo i finansije. Časopis za pravnu i ekonomsku teoriju i praksu. Br. 7-8 2017. Sarajevo. REC. str. 73-77. ISSN 2490-3590; autor**

2.4.2. Radovi prije izbora u zvanje docenta:

3. Jahić, Haris, Isaković-Kaplan Ševala i Veleđar Benina: Informacijske potrebe korisnika konsolidovanih finansijskih izvještaja. Zbornik radova / Sarajevo Business and Economics Review Ekonomski fakultet u Sarajevu (Sarajevo). 2012; 32: str. 241-263; ISSN 1986-5473.; koautor
4. Isaković-Kaplan, Ševala: Računovodstvene metode obračuna ulaganja za potrebe izrade finansijskih izvještaja poslovnih kombinacija. Zbornik radova Ekonomskog fakulteta u Sarajevu (Sarajevo). 2010; 30: str. 683-705; ISSN 1986-5473; autor
5. Veleđar, Benina i Isaković-Kaplan Ševala: Sveobuhvatni pristup analizi likvidnosti. Zbornik radova Ekonomskog fakulteta u Sarajevu (Sarajevo). 2008; 28: str. 557-568; ISSN 0581-7439; koautor

2.5.UČEŠĆE NA NAUČNIM I STRUČNIM KONFERENCIJAMA

2.5.1.Učešće nakon izbora u zvanje docenta:

- 1. Isaković-Kaplan, Ševala i Demirović Lejla: Izazovi u primjeni Konceptualnog okvira za finansijsko izvještavanje u BiH. U: Pravni i ekonomski aspekti procesa integracije Bosne i Hercegovine u Evropsku uniju: Međunarodna naučna konferencija: Zbornik radova, 20-21.juni 2019. Mostar. (EBSCO Publishing – Business Source Complete);**
- 2. Isaković-Kaplan, Ševala: Ured za reviziju institucija u Federaciji Bosne i Hercegovine kao čuvar proračunskih sredstava: mit ili zbilja. U: Računovodstvo i menadžment – RiM: 17. Međunarodna znanstvena i stručna konferencija: Zbornik radova s međunarodne znanstvene i stručne konferencije Svezak I.- znanstveni radovi, 9-10.juni 2016. Primošten. Hrvatski računovođa. str. 69-79. ISBN 978-953-7828-12-7;**
- 3. Isaković-Kaplan, Ševala: Gospodarski kriminal u Federaciji Bosne i Hercegovine. U: Računovodstvo i menadžment – RiM: 16. Međunarodna znanstvena i stručna konferencija: Zbornik radova s međunarodne znanstvene i stručne konferencije Svezak I.- znanstveni radovi, 11-12.juni 2015. Primošten. Hrvatski računovođa. str. 69-79. ISBN 978-953-7828-09-7;**

4. **Isaković-Kaplan, Ševala: Motivi i posljedice upotrebe kreativnog računovodstva u privrednim društvima u BiH. U: Računovodstvo i menadžment – RiM: 15. Međunarodna znanstvena i stručna konferencija: Zbornik radova s međunarodne znanstvene i stručne konferencije Svezak I.- znanstveni radovi, 5-7.juni 2014. Rovinj. Hrvatski računovođa. str. 89-99. ISBN 978-953-7828-08-0;**
5. **Isaković-Kaplan, Ševala i Delalić Adela: Kreativno računovodstvo u privrednim društvima u BiH.U: Borba protiv prevara i korupcije 2014: Međunarodna naučno stručna konferencija. Forenzika i prevencija. 11-12.decembar 2014. Beograd.**

2.5.2. Učešće prije izbora u zvanje docenta:

6. Jahić, Mehmed i Isaković-Kaplan Ševala: Uloga i značaj revizije u prevenciji prevara u BiH. U: Pravni i ekonomski aspekti procesa integracije Bosne i Hercegovine u Evropsku uniju: Međunarodna naučna konferencija: Zbornik radova, 7-8.novembar 2013. Mostar. str. 204-218. ISBN 978-9958-604-78-2 (EBSCO Publishing – Business Source Complete)
7. Isaković-Kaplan, Ševala i Jahić Haris: Forenzični računovođa – Novo zvanje računovodstvene profesije – Mogućnost sticanja u BiH. U: Računovodstvo i menadžment – RiM: 14. Međunarodna znanstvena i stručna konferencija: Zbornik radova s međunarodne znanstvene i stručne konferencije Svezak I.- znanstveni radovi, 13-14.juni 2013. Zagreb. Hrvatski računovođa. str. 147-156. ISBN 978-953-7828-04-2;
8. Jahić, Haris, Isaković-Kaplan, Ševala. Forenzično računovodstvo i forenzični računovođa: nužna znanja i rješenja u borbi protiv računovodstvenih prevara. Naučna konferencija: Mjesto i perspektive kriminalistike, kriminologije i sigurnosnih studija u savremenim uvjetima”, Fakultet za kriminalistiku, kriminologiju i sigurnosne studije, 16-17.maj 2013. Sarajevo.
9. Jahić, Haris i Isaković-Kaplan Ševala: Privredni kriminal u BiH – uloga računovođe. U: Računovodstvo i menadžment – RiM: 13. Međunarodna znanstvena i stručna konferencija: Zbornik radova s međunarodne znanstvene i stručne konferencije Svezak I.- znanstveni radovi, 14-16.juni 2012. Zagreb. Hrvatski računovođa. str. 68-79. ISBN 978-953-7828-01-1;
10. PANTHEON Datalab konferencija 2010.: Od problema do praktičnog rješenja, 20.decembar 2010. Sarajevo - Saradnja Ekonomskog fakulteta u Sarajevu i Datalaba - prilike za poslodavce – koautori: mr Ševala Isaković-Kaplan i Harun Škapurević, dipl. oec.
11. Bašić, Meliha, Veledar, Benina, Isaković-Kaplan Ševala. Problems of Using IFRS and IAS in Bosnia and Herzegovina – Focusing on Impact Accounting Policies on Quality of Financial Reporting Treća međunarodna konferencija Ekonomskog fakulteta u Sarajevu ICES 2008 Transitional Challenges of EU Integration and Globalization, oktobar 2008.

2.6.PROJEKTI

Projekat Ekonomskog fakulteta Univerziteta u Sarajevu i Datalab BH: Instalacija poslovno-informacionog sistema Pantheon X, 2017.

2.7.MENTORSTVO NA II CIKLUSU STUDIJA

Pločo, Selma: Analiza finansijskih izvještaja u funkciji otkrivanja računovodstvenih prevara: završni rad II ciklusa studija; mentor doc. dr Ševala Isaković-Kaplan. – Sarajevo: Ekonomski fakultet, 2018.

2.8.RECENZIJJE

1. Recenzent više naučnih knjiga/univerzitetskih udžbenika
2. Recenzent indeksiranog časopisa Ekonomskog fakulteta Univerziteta u Sarajevu: „Sarajevo Business and Economics Review (SBER)“, referira se u: EBSCO, ProQuest, CEEOL
3. Recenzent indeksiranog časopisa Ekonomskog fakulteta Univerziteta u Zenici: „BH Ekonomski forum – Economic Forum“, referira se u: EBSCOhost, ProQuest, CEEOL
4. Recenzent indeksiranog časopisa Fakulteta za kriminalistiku, kriminologiju i sigurnosne studije Univerziteta u Sarajevu: „Kriminalističke teme - časopis za kriminalistiku, kriminologiju i sigurnosne studije“, referira se u: ProQuest Sociological Abstract, EBSCO SocINDEX, EBSCO SocINDEX Full Text, EBSCO Criminal Justice Abstracts, EBSCO Criminal Justice Abstracts with Full-text i ProQuest Social Sciences

3. NASTAVNO-PEDAGOŠKI RAD

Isaković-Kaplan dr Ševala je na Ekonomskom fakultetu Univerziteta u Sarajevu u nastavnom procesu angažovana od 2004.godine i izvodila je nastavu iz više predmeta iz oblasti Računovodstva i revizije na svim ciklusima studija. Kandidatkinja posjeduje i nastavno-pedagoško iskustvo u radu u Srednjoj ekonomskoj školi u Stocu, na Ekonomskom fakultetu Univerziteta „Džemal Bijedić“ u Mostaru i Ekonomskom fakultetu Univerziteta u Zenici. Dodatno, kandidatkinja je kontinuirano angažovana u nastavnom procesu programa za sticanje zvanja cetificirani računovođa i ovlašteni revizor u organizaciji Poslovne akademije Ekonomskog fakulteta Univerziteta u Sarajevu, kao i u procesu kontinuirane profesionalne edukacije zvanja iz računovodstvene profesije.

U svom dosadašnjem nastavno-pedagoškom radu dr Ševala Isaković-Kaplan je stekla zavidno pedagoško iskustvo i ostvarila dobre rezultate u komunikaciji sa studentima. Kandidatkinja i pored velike opterećenosti u nastavnom procesu permanentno unapređuje i inovira izvođenje nastave na predmetima za koje je zadužena. Dr Ševala Isaković-Kaplan je u saradnji sa predmetnim nastavnicima i saradnicima pripremala nastavni materijal za izvođenje nastave iz predmeta Forenzično računovodstvo, Finansijsko računovodstvo, Financial accounting i Projekat – praktični predmet na smjeru Računovodstvo i revizija, a što je rezultiralo izradom udžbenika za navedene predmete.

4.PRIJEDLOG S OBRAZLOŽENJEM

Uvidom u dokumentaciju koju je dr Ševala Isaković-Kaplan dostavila uz prijavu na Konkurs, Komisija konstatuje da je:

- Kandidatkinja dr Ševala Isaković-Kaplan uz prijavu priložila sve potrebne dokumente za izbor u zvanje vanrednog profesora u skladu sa uslovima utvrđenim Konkursom od 01.06.2019.godine.

- Na osnovu uvida u dostavljene dokumente kandidatkinje dr Ševala Isaković-Kaplan Komisija je konstatovala da kandidatkinja ispunjava sve uslove za izbor nastavnika u zvanje vanredni profesor na oblast „Računovodstvo i revizija“.

Pored prethodno navedenih formalnih uslova ispunjavanja Konkursa članovi Komisije posebno ističu da kandidatkinja dr Ševala Isaković-Kaplan ima bogato - petnaestogodišnje iskustvo u nastavnom procesu na predmetima iz oblasti „Računovodstva i revizije“.

Izvođenjem nastave, učestvovanjem u svim oblicima nastavnog procesa, inoviranjem nastavnih i pedagoških metoda i svojim ljudskim kvalitetima i odnosu prema studentima, kandidatkinja je značajno doprinijela obrazovanju studenata iz oblasti „Računovodstvo i revizija“ na Ekonomskom fakultetu Univerziteta u Sarajevu.

Kandidatkinja je izborom teme magistarskog rada kao i teme doktorske disertacije dala značajan doprinos razvoju računovodstvene nauke u BiH. Također, kandidatkinja u svojim naučnim i stručnim radovima, kao i učešćem na međunarodnim i domaćim naučnim i stručnim konferencijama obrađuje niz relevantnih pitanja iz oblasti „Računovodstvo i revizija“.

Na osnovu prethodno izloženih relevantnih činjenica, koje se odnose na rezultate postignute u nastavnom, pedagoškom, naučnom i istraživačkom radu, Komisija konstatuje i jedinstvena je u mišljenju da kandidatkinja dr Ševala Isaković-Kaplan ispunjava sve uslove predviđene Zakonom o visokom obrazovanju Kantona Sarajevo i Statuta Univerziteta u Sarajevu za izbor u zvanje vanredni profesor na oblast „Računovodstvo i revizija“, u punom radnom vremenu.

Stoga, Komisija, sa zadovoljstvom, predlaže Vijeću Ekonomskog fakulteta Univerziteta u Sarajevu da

Kandidatkinju ISAKOVIĆ – KAPLAN dr ŠEVALU

izabere u zvanje VANREDNI PROFESOR na oblast RAČUNOVODSTVO I REVIZIJA sa punim radnim vremenom.

Sarajevo, 04.07.2019.godine

Komisija:

1. Prof. dr Mehmed Jahić, predsjednik

2. Prof. dr Meliha Bašić, član

3. Prof. dr Haris Jahić, član
